



Friluftsrådet for Ålesund og omland

## ÅRSMELDING 2015



2015 var eit år fullt av høgdepunkt. Bildet er frå eitt av dei største: Utdelinga av gåvesjekken på 1 million kroner til Stikk UT! frå Gjensidigestiftelsen på Tueneset i Ålesund 16. desember.

Foto: Hilde Hovik, Sunnmørsposten.

**Innhald:**

- |              |                                                                           |
|--------------|---------------------------------------------------------------------------|
| Side 3-6     | 1. Styret og administrasjonen sitt arbeid                                 |
| Side 6-7     | 2. Sikring av område til friluftsliv                                      |
| Side 7 - 9   | 3. Drift og skjøtsel av friluftsområde og tilrettelegging for friluftsliv |
| Side 10 - 14 | 4. Aktivitetsarbeid                                                       |
| Side 15 - 16 | 5. Økonomi – rekneskap                                                    |
| Side 17 - 18 | Oversikt over område og eigedalar                                         |
| Side 19 -21  | Vedtekter                                                                 |

**Forord**

Friluftsrådet har hatt eit svært aktivt år i 2015. Etablering av turregistreringskonkurransen Stikk UT!, nye nettsider, arrangement i samband med Friluftslivets år 2015 og nye turkort er berre nokre av stikkorda. Rett før jul kom beskjeden om at friluftsrådet får ein million kroner til Stikk UT! frå Gjensidigestiftelsen. Pengane skal brukast til nye turmål dei neste tre åra og betyr svært mykje for den vidare utviklinga av konkurransen.

**Vebjørn Krogsæter - Haram  
Styreleiar**

**Mariann Barstad – Sula  
Styremedlem**

**Kristin Hoegh Krohn Devold – Ålesund  
Styremedlem**

**Palma Flåen Øvrebust – Stordal  
Styremedlem**

**Aud Sissel Suoranta – Vestnes  
Styremedlem**

**May Britt Grindvik – Skodje  
Nestleiar**

**Birger Honningsvåg – Giske  
Styremedlem**

**Terje Osvik – Ørskog  
Styremedlem**

**Merete Løvoll Rønneberg – Norddal  
Styremedlem**

*Framsidebilde: Frå overleveringa av gåva på 1 million kroner til Stikk UT! frå Gjensidigestiftelsen. Foto: Hilde Hovik, Sunnmørsposten.*

## STYRET OG ADMINISTRASJONEN SITT ARBEID

### Styret

Styret for perioden 1.1.2015 til 31.12.2015 har vore:

Kommune	1.1.- 23.3.2015	Verv 1.1.-23.3.2015	23.3.-31.12.2015	Verv 23.3.-31.12.2015
Haram	Vebjørn Krogsæter Ewa Hildre	Styreleiar Varamedlem	Vebjørn Krogsæter Ewa Hildre	Styreleiar Varamedlem
Giske	Birger Honningsvåg Marit G. Alnes	Styremedlem Varamedlem	Birger Honningsvåg Marit G. Alnes	Styremedlem Varamedlem
Norddal	Merete L. Rønneberg Kristin G. Sandnes	Styremedlem Varamedlem	Merete L. Rønneberg Kristin G. Sandnes	Styremedlem Varamedlem
Skodje	May Britt Grindvik Edmund Hoffseide	Nestleiar Varamedlem	May Britt Grindvik Edmund Hoffseide	Nestleiar Varamedlem
Stordal	Palma Flæn Øvrebusk Hildegunn L. Berli	Styremedlem Varamedlem	Palma Flæn Øvrebusk Hildegunn L. Berli	Styremedlem Varamedlem
Sula	Mariann Barstad Anita Solevåg	Styremedlem Varamedlem	Mariann Barstad Anita Solevåg	Styremedlem Varamedlem
Vestnes	Martin Kjøpstad Geir Inge Lien	Styremedlem Varamedlem	Aud Sissel Suoranta Geir Inge Lien	Styremedlem Varamedlem
Ørskog	Terje Osvik Arne Abelseth	Styremedlem Varamedlem	Terje Osvik Arne Abelseth	Styremedlem Varamedlem
Ålesund	Kristin H. K. Devold Tore Johan Øvstebø	Styremedlem Varamedlem	Kristin H. K. Devold Tore Johan Øvstebø	Styremedlem Varamedlem



Nokre av medlemmane i styret. Frå venstre framme: May Britt Grindvik, Palma Øverbust, Mariann Barstad og Vebjørn Krogsæter. Frå venstre bak: Birger Honningsvåg og Terje Atle Osvik.

Arbeidsutvalet har i 2015 bestått av Vebjørn Krogsæter, May Britt Grindvik og Merete Løvoll Rønneberg.

Arbeidsutvalet har i 2015 gjennomført lønsforhandlingar med dei tilsette.

## Styret – handsaming av saker i 2015

Styret har hatt 5 møte i løpet av året og handsama i alt 37 saker. Døme på saker som er handsama er:

- \* Rekneskap, budsjett, årsmelding og arbeidsprogram m/revisjon av budsjett
- \* Leige av Irus beitepussar til skjøtselarbeidet
- \* Utviding av stillinga til dagleg leiar til 80%
- \* Eit eventuelt namneskifte på friluftsrådet

## Årsmøte 2015




Årsmøtet vart halde på Alnes fyr i Giske i full storm. Før sjølve møtet var Arne Tunheim og Inge Westad engasjerte og kunnskapsrike turleiarar på ei frisk vandring til rullesteinsfjøra i Sandvika. Vel innomhus igjen gav Westad årsmøtet ei innføring i historia til fyret og Tunheim helsa årsmøtet velkommen på vegne av Giske kommune.

Årsmøtet vart sett med 13 røysteføre delegatar. Ålesund og Vestnes hadde fråfall.

Der var ingen saker utanom dei ordinære årsmøtesakene jfr. vedtekten.

Martin Kjøpstad gjekk ut av styret medan Aud Sissel Suoranta kom inn som nytt styremedlem frå Vestnes. Ingen av dei var til stades på årsmøtet.



## Tilsette og engasjerte:

Friluftsrådet har i 2015 hatt følgjande fast tilsette:

May Britt Haukås, dagleg leiar i 50 % stilling frå 1.1. til 1.6. og 80% stilling frå 1.6.

Geir Haugli, rådgjevar i 100% stilling, 50% sjukmeldt.

Christer Lundberg Nes, fagleiar aktivitet i 100% stilling

Pål Henry Høyberg, driftsleiar i 100% stilling

I tillegg har friluftsrådet hatt fleire personar engasjerte på timebasis både innan drift, tilrettelegging og aktivitet. Også tilsette i medlemskommunane, frivillige lag og organisasjonar har vore gode medhjelparar gjennom året.

## Møte, representasjonsoppgårer mm.

Gjennom heile året er friluftsrådet med på ei rad møter, kurs, konferansar mm. i samband med arbeidet vårt. Dette gjeld både lokalt i medlemskommunane, på fylkesnivå og nasjonalt.

Friluftsrådet er medlem i Friluftsrådenes Landsforbund (FL) og med i Forum for Natur og Friluftsliv i Møre og Romsdal (FNF).

2015 var Friluftslivets år. Dette vart markert gjennom heile året med ei rad arrangement både i eigen regi og i samarbeid med andre. Dagleg leiar besøkte kommunestyra (i Vestnes formannskapet) i sju av medlemskommunane i løpet av våren og orienterte om arbeidet til

friluftsrådet. Før kommunevalet vart det gjennomført bålsamtalar med sentrale politikarar i alle medlemskommunane. I samarbeid med Møre og Romsdal fylkeskommune, Forum for Natur og Friluftsliv (FNF), Ålesund-Sunnmøre Turistforening og Friluftsrådet Nordmøre og Romsdal arrangerte vi i september ein stor friluftskonferanse på Åndalsnes for heile fylket.



Frå besøket av fylkeskulturkomiteen i Stafsethneset friluftsområde i Ålesund i mai.

I mai inviterte vi Kultur- og folkehelsekomiteen i fylkeskommunen på besøk og omvising i Stafsethneset friluftsområde i Ålesund. Der fekk vi m.a. vist fram den nye badestranda med skjelsand og demonstrert kvifor ein beitepußar er viktig i skjøtselsarbeidet i friluftsområda.

Uttaler, innspel, medieomtale, informasjonsarbeid mm.

#### Uttaler og innspel

Friluftsrådet hadde i 2015 for liten kapasitet til å engasjere seg i plansaker i stor grad. Men rådgjevar har deltatt i arbeidet med registrering og verdsetting av friluftsområde i Giske

kommune. I tillegg har friluftsrådet både åleine og saman med FNF og ÅST uttalt seg i fleire enkeltsaker.

## Medieomtale



The collage includes several news items from different media outlets:

- Top right:** A black and white photo of a woman holding a red sign that says "Stikk UT!" (Stick Out!).
- Middle left:** A newspaper clipping with a photo of a man and a woman talking, and text about parking regulations.
- Middle center:** A large newspaper clipping with a photo of a woman holding a "Stikk UT!" sign, with the headline "**<Stikk ut> krysser fogderigrensa**" (Crosses the bailiff's border).
- Middle right:** A newspaper clipping with a photo of houses and the text "HITTIL Strandneset ble stengt flere høste, f.v. 22. JUNI 1984".
- Bottom left:** A newspaper clipping with a photo of a woman holding a "Stikk UT!" sign.
- Bottom right:** A newspaper clipping with a photo of a woman holding a "Stikk UT!" sign.

Første artikkel om Stikk UT! i Sunnmørsposten. I løpet av året vart det mange fleire, både der og i andre media.

I 2015 har Friluftsrådet for Ålesund og omland vore svært synleg i media, både i aviser, radio, nett og TV. Særleg har Stikk UT! ført til stor interesse fra media, men også mange av aktivitetane og driftsarbeidet vårt har blitt omtalt. Vi har fleire gonger vore gjestar i TV- og radiosendingane til NRK Møre og Romsdal, og både dei, Sunnmørsposten, Nytt i Uka og alle lokalavisene har hatt ei rad reportasjar om arbeidet vårt. Vi opplever at aktivitetane til friluftsrådet blir oppfatta som positivt og godt stoff og at redaksjonane gjerne lagar oppslag om det vi jobbar med.

## Informasjon

Facebook er ein viktig informasjonskanal i tillegg til andre media. Gjennom året har friluftsrådet jamt og trutt publisert små og store innlegg og fått god uttelling for det. Vi har no nesten 2000 følgjarar. Mange av innlegga blir i tillegg delt vidare slik at dei mest populære når endå fleire tusen leserar.

I 2015 etablerte friluftsrådet nye nettsider. Dei er ei stor forbetring frå den gamle og ei god hjelp i informasjonsarbeidet. Særleg Stikk UT! fører til mykje besøk på sida, men også utlån frå utstyrssbasen. Med den nye kalenderfunksjonen har utlånet blitt mykje meir oversiktleg og enkelt både for aktivitetsleiar og brukarane.



Glimt frå nokre av bålsamtalane i medlemskommunane før valet.

Besøka i kommunestyra i medlemskommunane, bålsamtalane, det omfattande samarbeidet med frivillige og tilsette i kommunane, all medieomtalen, samarbeidet med andre friluftsorganisasjonar og Stikk UT! har gitt gode resultat. Langt fleire enn tidlegare kjenner no til friluftsrådet og kva vi arbeider med.

## Kontor, verkstad og lager mm.

Sidan hausten 2011 har friluftsrådet hatt kontor, lager og verkstad på Kongshaugstranda 105 i Vegsundet i Sula kommune. Her leiger vi tre kontor med diverse fellesareal og om lag 300 m<sup>2</sup> lager og verkstadlokale. Aktivitetsleiar har heimekontor i Volda.

Friluftsrådet leiger to arbeidsbilar. Aktivitetsleiar disponerer den eine og driftsleiar den andre. Frå oktober 2015 leiger vi også ein Irus beitepussar som vi håper å få midlar til å kjøpe i 2016.



Reparasjon av flytebrygge på Stafsethneset i Ålesund.

I 2015 greidde friluftsrådet å finansiere kran til arbeidsbåten, som har fast plass i båthamna til Ålesund Motorbåtforening i Gåseidvika i Ålesund.

## 2.

### Sikring av område for friluftsliv

Friluftsrådet tok opp att arbeidet med sikring av viktige friluftsområde i 2005. Etter ønske frå medlemskommunane er det dei som skal gjennomføre sikringsarbeidet, medan friluftsrådet skal vere pådrivar og medspelar.

I 2015 har sikring av området til tidlegare Prinsen Camping i Ålesund blitt tatt opp fleire gonger. Kva for konkrete område som bør sikrast i kvar enkelt medlemskommune var tema i alle bålsamtalane med politikarane før kommunevalet. I tillegg har rådgjevar vore sentral i arbeidet med kartlegging og verdsetting av friluftsområde i Giske kommune.

3.

### Drift og skjøtsel av friluftsområde og tilrettelegging for friluftsliv

I 2015 har friluftsrådet hatt ansvar for drift, skjøtsel og



tilrettelegging i 15 større friluftsområde i medlemskommunane. Av desse eig Staten fire, kommunane eig åtte og tre er i privat eige. Til saman er desse områda på 1434 dekar. På slutten av året var også det meste av det formelle i orden slik at friluftsrådet tok over ansvaret for eit spelemiddelprosjekt på Øyna på Langsætrane (Overøye) i Stordal på 49,5 dekar.

Friluftsrådet har også delansvar for drift, skjøtsel og tilrettelegging i andre statleg sikra friluftsområde som t.d. Tueneset og Parrvika i Ålesund, Murvika i Skodje og Vassetvatnet i Sula.



*Før og etter: På nokre timar greier beitepussaren jobben som før tok dagar. Det er avgjerande for skjøtselen i friluftsområda og for å greie å halde det gamle kulturlandskapet ope. Bilda er frå Mauren friluftsområde i Skodje.*

I tillegg har friluftsrådet ei rad eigendelar (tilretteleggingstiltak) som flytebrygger, bruer, toalett, informasjonstavler, stiar, skiløyper mm. som vi har heilt eller delvis ansvaret for. Desse ligg i all hovudsak i regionalt viktige friluftsområde.

Friluftsrådet tek ansvar for å söke om midlar til skjøtsel og tilrettelegging i alle dei statleg sikra friluftsområda i medlemskommunane. I 2015 vart det sendt 14 søknader, det same som i 2014. Det vart tilslag på 12 (8 i 2014) med eit samla tilskot på kr. 1 226 000 (765 000 i 2014). Tiltaka i Skråvika i Ålesund vart ikkje ferdig i 2015 fordi kommunen er forsinka med sin del av arbeidet. Dette prosjektet er derfor overført til 2016.



Den nye sandstranda i Gurinesbukta på Vatne i Haram vart ferdig i 2015. No manglar berre badeflåte.....

#### Døme på gjennomførte tiltak i statleg sikra friluftsområde i 2015:

• Gurinesbukta	sandstrand mm	130 856 kr.
• Stafsethneset	ny skjelsandstrand/ mur	310 744 kr.
• Kråkvika	stiar/molo/benkar mm	1 719 999 kr.
• Mauren	flytebrygge/bru/skoging	196 250 kr.
• Skråvika, Ørskog	rydding strandsona	49 000 kr.

I tillegg er det gjort mykje anna arbeid som:

- Reparasjon av toalett i Kråkvika etter hærverk
- Skogrydding Gurinesbukta
- Start arbeid med bru på Øyna
- Jamt tilsyn, vask og tömming/påfylling av toaletta
- Slått av gras, opprydding av søppel mm



Verdien av arbeidet med drift, skjøtsel og tilrettelegging i 2015, utført av tilsette i friluftsrådet (fast tilsette og engasjerte), er på om lag 2 363 000 kroner. I tillegg kjem arbeid knytt til prosjektering, søknader, rapportering mm.

Friluftsrådet har i tillegg hatt god hjelp frå andre i dette arbeidet, som:

- |                                    |                                           |
|------------------------------------|-------------------------------------------|
| * Mauseidvåg og Solevåg Idrettslag | - vask av toalett på Taustua              |
| * Stordal Idrettslag, langrenn     | - vask av toalett på Overøye i Stordal    |
| * Vigra Kristelege Ungdomslag      | - vask av toalett på Blimsanden i Giske   |
| * Gjersetdalens Villmarksområde BA | - vask av toalett i Gjersetdalens i Haram |
| * Ålesund Rotary Øst               | - Dugnad Svinøya                          |
| * Lions Vegsundet                  | - Dugnad Stafsethneset                    |
| * Kråkvika Vel                     | - Dugnad Kråkvika                         |
| * Borgund vidaregåande skole       | - Bygging av toalett mm. på Svinøya       |
| * Vatne Velforening                | - Dugnad Gurinesbukta                     |



Toalettet i Norddal, julepynta toalett på Taustua i Sula og måling av toalettet i Kråkvika i Vestnes.

<b>Oversikt søknader og tilskot 2015</b>						
<b>Tilrettelegging og skjøtsel</b>						
1. Statleg sikra friluftslivsområde						
Område	Tiltak	Søknad til/Tilskot frå	Totalkostnad	Omsøkt	Tilskot	
Mauren	WC	Staten via FK - post 78	31250	15625	15500	
Kråkvika	Bryggje mm	Staten via FK - post 78	471250	471250	170000	
Kråkvika	Turveg, WC mm	Staten via FK - Post 78	272000	222000	220000	
Gurinesbukta	Strand	Staten via FK - post 78	186297	110572	110000	
Vegsundvågen	Div	Staten via FK - post 78	206250	137500	137500	
Vegsundvågen	Ekstrasøknad	Staten via FK - Post 78	118750	118750	118750	
Langevågsholmane	Bryggje mm	Staten via FK - Post 78	240000	240000	20000	
Mauren	Bru og bryggje	Staten via FK - Post 78	196250	166250	74250	
Skråvika Ørskog	Strandrydding	Staten via FK - Post 78	47000	40000	40000	
Skråvika Ålesund	Turveg etc	Staten via FK - Post 78	200000	190000	190000	
Stafsethneset	Mur og strand	Staten via FK - Post 78	287000	287000	120000	
Stafsethneset	Sponsing strand	Nordbohus Ålesund			10000	
Stafsetnneset m.fl	Svartelisteartar og rydding	Staten via FK - Post 78	150000	150000	0	
Båt og slåmaskin	Investering utstyr	Staten via FK - Post 78	570000	570000	0	
			1690250	2718947	1226000	

## Aktivitetsarbeid



Aktivitetsarbeid retta mot skular, barnehagar, barn og unge har vore ei viktig oppgåve for friluftsrådet heilt sidan starten av 1990-talet. Fram til 2008 vart dette arbeidet i hovudsak

utført av innleigde rettleiarar. Fagleiar aktivitet vart tilsett i 50% stilling i 2008, som vart utvida til 100 % i 2010. Dette har ført til at friluftsrådet kan gi eit mykje meir omfattande aktivitetstilbod enn tidlegare.

«Læring i friluft» handlar om å stimulere til meir og betre uteaktivitet i skular og barnehagar. Friluftsrådet deltek aktivt i nettverket av friluftsråd og Friluftsrådenes Landsforbund som arbeider med uteskule/-barnehage.



Taubruene utvikla av fagleiar aktivitet, Christer Lundberg Nes, er alltid ein suksess..

På slutten av 2010 starta friluftsrådet arbeidet med opprettinga av eit «lærande nettverk» for skulane i medlemskommunane. I dag er 25 skular med og dette er mellom dei største nettverka til friluftsråda i landet. Kvart år blir det gjennomført ei to-dagars samling for alle medlemsskulane med ulike tema.

I 2015 er følgjande gjennomført gjennom «Læring i friluft»:

3 kurs for pedagogisk personale i skule og barnehag med totalt 17 deltakarar. I fjor var talet 8 kurs med 154 deltakarar. Det vart færre kurs i 2015 både fordi nokre vart avlyst i siste liten og fordi fagleiar aktivitet hadde hendene fulle med andre gjeremål som ny nettside, nye turkort mm. Etter ønskje fra skulenettverket vart det starta arbeid med utvikling av eit nytt undervisningsopplegg med fjøre som tema. Dette skal det jobbast vidare med i 2016.

9 utedagar (elev-/lærarrettleiing) med i alt 608 deltakarar. I 2014 var talet 11 utedagar med i alt 628 deltakarar.

Gratis utlån av utstyr frå utstyrssbasen til friluftsrådet er ein del av «Læring i friluft». Meir funksjonelle nettsider har gjort utlånet enklare å administrere og m.a. gjennom facebook har tilbodet blitt endå betre kjent blant skular, barnehagar, lag og organisasjonar i medlemskommunane. Det har ført til ein stor auke i utlånet i 2015:

38 utlån over 86 dagar med til saman 1671 deltakarar. I 2014 hadde vi 24 utlån. Aller mest populært er det å låne kajakkane, men også lavvoar, kokeutstyr for matlaging ute og anna

utstyr er mykje brukt. Ni skular har lånt lavvoar, 11 skular har lånt kajakkar. To skular har no undervisningsopplegget utvikla i Natursekken fast i læreplanen for heile klassessteg. 220 elevar fekk glede av det i 2015. Dette året fekk vi også midlar til to nye hengarar til kajakkane og kunne parkere for godt dei gamle som er heilt utslitne.

Arbeidet med «Læring i friluft» er støtta med midlar via Friluftsrådenes Landsforbund og Møre og Romsdal fylkeskommune.

### Prøve på UNG m/friluftsskule



Gjennom «Prøve på UNG» er målet å gi barn og unge tilbod om aktivitet på fritida. Deltakarane får prøve ut ulike friluftsaktivitetar og bli betre kjent med kva dei kan finne på i eige nærmiljø. Her har friluftsrådet eit tett samarbeid med lag og organisasjonar, som er dei som driv aktiviteten gjennom året.

I 2015 vart det gjennomført 15 utedagar med 1460 deltakarar. I 2014 var talet 20 utedagar med 484 deltakarar. Mellom tiltaka var tre skredkurs for ungdom i vinterferien på Overøye i Stordal, friluftsskule i sommarferien i Haram, Utémoro i fire ulike friluftsområde og friluftsleir på Åndalsnes i samarbeid med Forum for Natur og friluftsliv (FNF) og fleire andre.

I tillegg lånar friluftsrådet ut kajakkar og anna utstyr til lag og foreiningar som arrangerer aktivitetstilbod til barn og unge på fritida.

Arbeidet i «Prøve på UNG» er støtta økonomisk via Friluftsrådenes Landsforbund, Møre og Romsdal fylkeskommune og Miljødirektoratet.

## Naturlos med Friluftslivets veke og Ordførarens tur

NATURLOS er eit tiltak for å marknadsføre natur- og kulturvandringar og arrangement i medlemskommunane. I hovudsak er dette vandringar og arrangement i regi av lag og organisasjonar.

I 2015 marknadsførte friluftsrådet 139 natur- og kulturvandringar med ca. 3520 deltagarar i medlemskommunane gjennom to Naturlosaviser som innstikk i Nytt i Uka (vår og haust). I tillegg kjem ei rad andre arrangement som fekk eigne annonser i avisene og omtale på facebook-sida til friluftsrådet. Det same gjeld fleire andre turar og arrangement der friluftsrådet var med som arrangør, t.d. Postvegmarsjen i Ørskog.

Friluftslivets veke vart arrangert i samarbeid med FNF og Friluftsrådet Nordmøre og Romsdal under Dyregoddagane i Batnfjorden i september. Ordførarens tur vart gjennomført i fleire av medlemskommunane også i 2015. Til saman 12 av dei opne turane/arrangementa var ein del av Friluftslivets veke.

NATURLOS er finansiert med midlar via Friluftsrådenes Landsforbund, Møre og Romsdal fylkeskommune, Miljødirektoratet og FNF i Møre og Romsdal.

Friluftsrådet vil rette ei stor takk til alle lag og organisasjonar som står på og lagar til ei mengde arrangement og turar rundt om i kommunane, og som melder dei inn slik at friluftsrådet kan marknadsføre dei.




Frå Postvegmarsjen i Ørskog med styremedlem Terje Atle Osvik som turleiar..

## Friluftslivets år 2015



Frå opninga av Friluftslivets år på Aksla i Ålesund, der fylkesmann Lodve Solholm var ein av dei som overnatta ute.



Friluftslivets år opna 13. januar med ei rad arrangement i alle medlemskommunane, der friluftsrådet var pådrivar. Saman med Ålesund-Sunnmøre Turistforening og Ålesund kommune, LHL, Aksla Vel og fleire andre inviterte friluftsrådet til arrangement og overnatting ute både på Aksla og på Tueneset i Ålesund. På Aksla var det over 200 deltagarar og 34 som overnatta. Representantar for friluftsrådet deltok også på arrangement i tre andre av medlemskommunane.



Glimt frå opningsarrangementa i Ørskog, Haram og Skodje.

Gjennom året var det ei rad arrangement både i regi av friluftsrådet og andre med høg deltaking.  
Bålsamtalane med politikarar i alle medlemskommunane før valet var ein del av dette.

## Folkehelse

Det meste av arbeidet til friluftsrådet handlar om folkehelse, anten det gjeld tilrettelegging, aktivitetar eller informasjonsarbeid. Folkehelse er likevel eit eige arbeidsområde, særleg knytt til aktivitetar for personar med spesielle behov. Mellom dei er menneske som ikkje greier å gå langt og bratt, men som likevel vil ha glede av å kome seg ut på tur. Desse er hovudmålgruppa for tukkort friluftsrådet har laga. I løpet av 2015 vart 9 nye tukkort ferdige i tillegg til dei 10 som vart laga i 2013 og 2014. Alle 19 tukkort er no samla i permars som også inneheld informasjon om friluftsrådet, allemannsretten, førstehjelp og litt om kvar medlemskommune. Permane er distribuert ut til institusjonar, bibliotek, sørviskontor, venterom osb. saman med lause tukkort interesserte kan ta med heim. I tillegg kan tukkort skrivast ut frå heimesida til friluftsrådet.

Frå 2015 har dei to friluftsråda i fylket inngått samarbeidsavtale med Møre og Romsdal fylkeskommune om folkehelsearbeidet. Dette betyr m.a. at friluftsråda formelt er del av folkehelsearbeidet og med i dei fora der dette er tema. Medlemsskapet kan også gi tilgang til midlar som friluftsråda tidlegare ikkje kunne søke på.



«Klart det går»-kurs for personar med ansvar for funksjonshemma og kurs for besteforeldre som vil bli tryggare på uteaktivitetar saman med barnebarn var også to suksessar i 2015 som friluftsrådet vil føre vidare. Det same gjeld kurs i enkelt



friluftsliv for flyktningar og innvandrarar, som vart gjennomført saman med flyktingtenesta i Ørskog og Skodje.

## Stikk UT!



Turregistreringskonkurransen Stikk UT! vart innført for første gong i 2015 med til saman 82 turar i medlemskommunane til friluftsrådet. Dette var eit stort økonomisk løft med finansiering av materiell som skilt, turbøker, turkasser, kartbrosjyren, nettside mm. Kartbrosjyren med informasjon om Stikk UT! vart

distribuert med Nytt i Uka ut til husstandane. Det gjekk rundt økonomisk takka vere gåva på 100 000 frå Stiftelsen Kjell Holm og private sponsorar (Caverion 40 000, Tafjord 5 000), 100 000 frå Møre og Romsdal fylkeskommune og 36 000 frå FL. I tillegg vart 100 000 av dei 500 000 friluftsrådet fekk til aktivitetstiltak via statsbudsjettet, kapt. 1420, post. 78, brukt på Stikk UT!.





Turkonkurransen vart ein fantastisk suksess med 3247 aktive brukarar i alle aldrar som registrerte til saman 47 641 turar! Heile 22 personar gjekk alle 82 turane. Tilbakemeldingane er eintydig positive og mange melder at dei gler seg til neste sesong og at dei då skal få med fleire. På mange av turmåla er det registrert stor auke i talet på besøkande – i den grad at det gjer utslag på omsetnaden til dei lokale butikkane t.d. på Nordøyane!

## Kystleia

Dei to færingane friluftsrådet eig, Leia og Linge, ligg ved Sunnmøre Museum. Dei blir leigde ut i samarbeid med museet og Sunnmøre Kystlag både til private og til lag og foreiningar. I 2015 var dei utleigde i 22 dagar (24 i 2014). I tillegg blir dei brukte av museet i deira aktivitet retta mot skular, familiedagar mm.

## Skikompis - skredførebyggjande arbeid

Den høge kompetansen Christer Lundberg Nes (Fagleiar aktivitet) har om snøskred og ferdsel i vinterfjellet er ein viktig del av arbeidet til friluftsrådet. Både gjennom skredførebyggjande kurs og aktivitetstiltak for ungdom (skredkurs), og forelesingar på høgskular og konferansar.

I mars 2013 vart boka Skikompis lansert. Boka er no pensum ved aktuelle liner på Høgskulen i Volda, Høgskulen i Sogn og Fjordane og UiT - Norges Arktiske universitet. Den er også pensum på Dagskurs- og Grunnkurs skred Nordisk, Dagskurs- og Grunnkurs skred Alpint i regi av Norsk Fjellsportforum. I tillegg er boka referanselitteratur i utdanninga til Norske Tindevegledere, på andre aktuelle liner ved høgskular/universitet og vidaregåande kurs i skredutdanninga i Norsk Fjellsportforum.

I samband med Skikompis har friluftsrådet etablert heimesida [www.skikompis.no](http://www.skikompis.no). Det er også utarbeidd informasjonsskilt for bruk i skianlegg og små skikompisfaldalar med enkle tips til sikker ferdsel.

Også i 2015 har friluftsrådet vore ein del av NVE sitt observatørkorps og dermed ein del av eit nasjonalt nettverk for erfaringsdeling og kompetanseheving både internt og eksternt. Gjennom dette er det gjort observasjonar i terrenget gjennom vinteren som så ligg til grunn for NVE sine skredvarsel til dømes på [www.varsom.no](http://www.varsom.no). Nokre av friluftsrådet sine fagpresentasjonar ligg, som einaste eksterne dokument, til nedlasting på varsom.no.

5.

## ØKONOMI - Rekneskap

Rekneskapet for 2015 viser eit overskot på 54 574,75 kr., mot eit overskot i 2014 på 46 247,18 kr. og eit underskot på 395 240,75 kr i 2013.

Inntektssida er på 5 593 079 millionar kroner, mot 4 529 183 kr i 2014 og 4 388 696 millionar kroner i 2013. Inntektsauka frå 2014 til 2015 er på over 30%.

Inntektene fordeler seg slik;

Inntekter	2013		2014		2015	
	kroner	%	kroner	%	kroner	%
<b>Medlemskontingent</b>	<b>876 086</b>	<b>19,9</b>	<b>906 846</b>	<b>20,0</b>	<b>1 046 928</b>	<b>18,7</b>
<b>Andre kommunale tilskot</b>	<b>127 000</b>	<b>2,9</b>	<b>0</b>	<b>0</b>	<b>16 500</b>	<b>0,3</b>
<b>Fylkeskommunale tilskot</b>	<b>382 000</b>	<b>8,7</b>	<b>227 000</b>	<b>5,0</b>	<b>309 000</b>	<b>5,5</b>
Administrasjon, fast øyremerka	179 000		184 000		184 000	
Prosjekt + andre tilskot	203 000		43 000		125 000	
<b>Statlege tilskot via FK</b>	<b>697 500</b>	<b>15,9</b>	<b>1 005 069</b>	<b>22,2</b>	<b>1 904 000</b>	<b>34,0</b>
Tiltak i statleg sikra friluftsområde	612 500		735 569		1 028 000	
Prosjekt, aktivitet	85 000		269 500		500 000	
Spelemidlar tilrettelegging	0		0		376 000	
<b>Statlege tilskot via FM</b>	<b>0</b>	<b>0</b>	<b>0</b>	<b>0</b>		
<b>Statlege tilskot via FL</b>	<b>1 255 000</b>	<b>28,6</b>	<b>1 270 000</b>	<b>28,0</b>	<b>1 295 000</b>	<b>23,2</b>
Administrasjon	375 000		405 000		415 000	
Prosjekt, aktivitet	880 000		865 000		830 000	
Spelemidlar tilrettelegging					50 000	
<b>Andre statlege tilskot</b>	<b>50 000</b>	<b>1,1</b>				
<b>Deltakar- og kursavgifter</b>	<b>4 791</b>	<b>0,1</b>	<b>29 431</b>	<b>0,6</b>	<b>45 101</b>	<b>0,8</b>
<b>Andre inntekter m/mva.komp</b>	<b>996 319</b>	<b>22,7</b>	<b>1 090 837</b>	<b>24,1</b>	<b>976 550</b>	<b>17,5</b>
<b>SUM</b>	<b>4 388 696</b>		<b>4 529 183</b>		<b>5 593 079</b>	
Finansinntekter - finanskostnader	31 698		24 258		17 328	

Inntektsfordeling i %:	2013	2014	2015
<b>Medlemskommunane</b>	<b>22,8%</b>	<b>20,0%</b>	<b>18,7%</b>
<b>Stat og fylke m/FL</b>	<b>54,3%</b>	<b>55,2%</b>	<b>63,8%</b>
<b>Andre inntekter inkl mva.komp</b>	<b>22,8%</b>	<b>24,7%</b>	<b>17,5%</b>
<b>Tilførte midlar per krone i medlemskontingent</b>	<b>5,00kr</b>	<b>4,99kr</b>	<b>5,34kr</b>

Inntektssida er delt opp i to delar. Dei "faste" inntektene er medlemskontingensten, administrasjonstilskot frå Møre og Romsdal Fylke (184.000 kr på kulturbudsjettet) og administrasjonstilskot via Friluftsrådenes Landsforbund (415.000 kr frå Miljøverndepartementet sitt budsjett).

For 2015 utgjer dei faste inntektene 1 645 928kr (29,4%) mot 1 495 846 (33,0%) i 2014, 1 430 086 (32,6%) i 2013 og 1 345 070 kroner (29,5%) i 2012.

Dei resterande inntektene er i all hovudsak prosjektmidlar som ein må søkje om for kvart år. Det er og nokre salsinntekter knytt til boka Skikompis og til Stikk Ut, samt nokre kursinntekter.

Utgiftene fordeler seg slik;

Utgifter	2013		2014		2015	
	Kroner	%	kroner	%	kroner	%
Løn og sosiale kostnader	1 816 933	37,7	2 033 566	45,3	2 136 978	38,5
Administrasjon + reise- og møteutgifter	777 956	16,2	814 330	18,2	787 683	14,2
Drift, skjøtsel og tilrettelegging	980 812	20,4	564 031	12,6	1 419 652	25,6
Aktivitetsprosjekt	829 494	17,2	642 866	14,3	612 498	11,0
Meirverdiavgift	372 302	7,7	378 472	8,4	546 637	9,8
Anna	37 140	0,8	51 803	1,2	52 382	0,9
<b>SUM</b>	<b>4.814.637</b>		<b>4 485 068</b>		<b>5 555 830</b>	
Finansutgifter	998		579		637	

Den store auken på inntektssida til tilrettelegging viser att i den store auken i utgiftene til drift, skjøtsel og tilrettelegging.

## Oversikt over friluftsområde - FÅO sitt ansvar per 31.12.15

Kommune	Namn	Areal/da	Eigar	Sikringsstatus	Tilrettelegging
Giske	Blimsanden	10	Privat	Regulert	2 Toalett, tilkomstveg, vebom
Haram	Bjørnøya	200	Privat	Avtale m/grunneigar 10 år	* Kystfort, turveg og stiar, informasjon, kvilebenkar etc
	Gurinesbukta	5,4	Kommunen	Statleg sikra	Parkeringsplass, veg, flytebryggje for funksjonshemma, badestrand
Skodje	Mauren	315,5	Staten	Statleg sikra	Turveg, tursti, 2 p- plasser, servicebygg med toalett
	Håjem	80	Kommunen	Kommunal eigedom – regulert	Tursti , P-plass, vebom, toalett
Sula	Langevågsholmane	114,3	Staten	Statleg sikra	Turstiar, 2 brygger, kai, informasjon, toalett
	Eikrem	6,1	Kommunen	Statleg sikra	P-plass, garasje, toalett
Vestnes	Kråkvika	101,6	Staten	Statleg sikra	Tilkomstveg, turveg, turstiar, servicebygg med toalett, gapahuk og bålplassar, 2 stk vebommar
	Leirvågen	165	Kommunen	Statleg sikra	Tilkomstveg, turveg m/bru, parkeringsplass
Ørskog	Skråvika	10	Kommunen	Statleg sikra	P-plass, turveg, toalett, vebom, badestrand
Ålesund	Svinøya	227,4	Staten	Statleg sikra	Toalett, servicebygg med toalett, turstiar, natur- og kultursti, 2 gjestebrygger, grillplass, kystleihytte
	Vikholmen	90	Kommunen	Kommunalt sikra	Kai, turstiar, toalett
	Hunsvær	80	Kommunen	Kommunalt sikra	Gjestebryggje
	Stafsethneset	28,2	Kommunen	Statleg sikra	Turstiar, hageanlegg, parkeringsplass, brygger, toalett, vebom, bålpass etc
Stordal	Øyna	49,5	Privat		
		<b>1423,5 da</b>			

I tillegg har Friluftsrådet heilt eller delvis ansvaret for desse "områda":

- Parrvika friluftsområde i Ålesund kommune
- Tueneset friluftsområde i Ålesund kommune
- Spjelkavikelva friluftsområde i Ålesund kommune

- Murvika friluftsområde i Skodje kommune
- Vassetvatnet friluftsområde i Sula kommune
- Sti til Hamnsundhelleren i Haram kommune
- Sti mellom Alnes og Gjuv i Giske kommune
- Sti mellom Sandvika og Nørtingset i Sula kommune
- Parkeringsplass ved Eikenosa i Ålesund kommune
- Parkeringsplass ved Storsætra i Skodje kommune
- Skiløyper rundt Mevatn og Svartløken i kommunane Skodje, Vestnes og Ørskog
- Sti til Skjønghellaren i Giske kommune
- Den Trondhjemske Postveg gjennom kommunane Vestnes og Ørskog



Murvika i Skodje.

#### Statleg sikra friluftsområde i medlemskommunane

I alt er det 29 statleg sikra friluftsområde i medlemskommunane til friluftsrådet. To av dei, Giske og Norddal, har ingen statleg sikra friluftsområde.

Friluftsrådet har eit heilskapleg driftsansvar for 9 av dei statleg sikra områda og delansvar for tiltak (toalett) i fleire av dei andre.

Friluftsrådet søker på vegne av rådet og kommunane skjøtsel- og tilretteleggingsmidlar til alle dei statleg sikra friluftsområda.

## FRILUFTSRÅDET SINE EIGEDELAR per 31.12.15

Gjenstandar	Kommune	Lokalisert	Forsikringsverdi	Sum
Gjestebrygger og kaier	Giske	Godøya	150.000	
		Ytterland	150.000	
	Haram	Austnes	150.000	
		Søvik	150.000	
	Skodje	Dampsksipskaia	150.000	
		Mauren	150.000	
	Stordal	Dyrkorn	150.000	
	Sula	Storholmen	250.000	
		Storholmen	150.000	
		Brennholmen	?	Kai
	Ålesund	Svinøya	250.000	
		Svinøya	250.000	
		Hunsvær	150.000	
		Sunnmøre Museum	150.000	
		Svinøya	?	Kai
		Vikholmen	?	Kai
		Stafsethneset	150.000	2.400.000
Bruer	Stordal	Store Ådalselva	100.000	
	Stordal	Elvabyte	100.000	
	Ørskog	Fosslibrua (Måslia)	200.000	
	Ørskog	Postvegen over Tverrelva		
	Skodje	Mevatnet	200.000	
	Vestnes	Kräkvika 3, Leirvågen 1	200.000	800.000
Toalett	Giske	Blimsanden 2stk	300.000	
	Haram	Gurinesbukta	200.000	
	Haram	Gjersetvatnet	200.000	
	Sula	Taustua	100.000	
	Sula	Eikrem	100.000	
	Sula	Storholmen	100.000	
	Sula	Vassetvatnet	200.000	
	Skodje	Murvika	200.000	
	Skodje	Håjem	100.000	
	Stordal	Overøye	100.000	

	Ålesund	Svinøya	100.000	
	Ålesund	Vikholmen	100.000	
	Ålesund	Parrvika	200.000	
	Ålesund	Tueneset	200.000	
	Ålesund	Lillevatnet	250.000	
	Ålesund	Sandingane	250.000	
	Ålesund	Stafsethneset	250.000	
	Ålesund	Voldsdalsberga	500.000	2 bygg
	Ørskog	Skråvika, Brauta, Vaksvikfjellet	300.000	
	Norddal	Norddalsstranda	100.000	
	Stordal	1 stk midlertidig	200.000	4.050.000
Toalett/reiskapsbu	Skodje	Mauren	160.000	
	Vestnes	Kråkvika	160.000	
	Ålesund	Svinøya	160.000	480.000
Reiskapshus	Sula	Eikrem	200.000	200.000
Gapahuk	Vestnes, Sula	Kråkvika, Lervågen	200.000	200.000
Bålpass	Vestnes, Ålesund	Kråkvika (2 stk) Stafsethneset, Svinøya	60.000	60.000
Informasjonstavler	Sula	Eltrane	60.000	
	Sula	Sandvika	60.000	
	Giske	Godøya (3stk)	100.000	
	Ålesund	Stafsethneset	60.000	300.000
Bade-/Fiskebryggje	Vestnes	Kråkvika	200.000	200.000
Handreiskap og verkty			50.000	50.000
Tilhengarar og båthengar			50.000	50.000
Minitraktorar og slåmaskinar			150.000	150.000
Båt med motor			450.000	450.000
Div aktivitetsutstyr			300.000	300.000
Diverse kontorutstyr			70.000	70.000
<b>TOTALT</b>				<b>9 760 000</b>

# Vedtekter

(Gjeldande frå årsmøte 18-04-2012)

## §1 - MEDLEMMER

FRILUFTRÅDET for Ålesund og Omland er eit interkommunalt samarbeidsorgan etter §27 i Kommunelova mellom kommunane Giske, Haram, Norddal, Skodje, Stordal, Sula, Vestnes, Ørskog og Ålesund.

Nye deltakarkommunar skal verte godkjend av årsmøte og alle medlemskommunane.

## §2 - FØREMÅL

FRILUFTRÅDET si oppgåve er i samarbeid med medlemskommunane, offentlege etatar på ulike nivå og interesserte organisasjonar å arbeide for:

- a) Sikring, tilrettelegging og drift av friluftsområde av ymse slag til almen bruk.
- b) Å skape større forståing for nytten av friluftsliv.
- c) Å betre friluftskulturen.
- d) Å stimulere til friluftsliv for alle.
- e) Å legge tilhøva til rette for fysisk aktivitet for born og unge
- f) Utarbeide samordna prioriterte planar som skal ligge til grunn for rådet sitt arbeid.
- g) Vere ein pådrivar overfor medlemskommunane i friluftslivssaker og kunne vere høyringsinstans i prinsipielle friluftssaker.

## §3 - ORGANISASJON

Årsmøtet, styret og arbeidsutvalet er FRILUFTRÅDET sine faste organ.

Styret og administrasjonen står for den dagleg drifta av FRILUFTSRÅDET

## §4 - ØKONOMI

Deltakarkommunane skal betale tilskot til rådets verksemd. Årsmøte fastset eit årleg pr. capita tilskot basert på folketal frå Statistisk Sentralbyrå frå føregåande år.

Budsjettframlegg som inneber meir en 2% reell auke i tilskot frå medlemskommunane krev 2/3 fleirtal på årsmøte.

Framlegg til arbeidsprogram og budsjett for neste år sendast medlemma til orientering.

Rådet kan ikkje ta opp lån eller pantsette eigedom utan at dette er godkjend av medlemskommunane på førehand

## §5 - ÅRSMØTET

Årsmøtet er FRILUFTSRÅDET si høgste styresmakt. Ordinært årsmøte vert halde kvart år innan utgangen av mars månad.

Kvar av medlemskommune har høve til å sende 2 representantar med røysterett til årsmøtet, gjerne ein av kvart kjønn.

Kommunane skal velje dei 2 representantane med vararepresentantar for heile kommunevalperioden. Styret sine medlemmer møter med røysterett på årsmøtet.

På årsmøtet kan følgjande møte med røysterett.

- 2 representantar frå kvar av medlemskommunane
- Medlemmane av styret

Årsmøtet er også ope for andre interesserte.

Årsmøtet avgjer i kvart einskild høve om andre frammøtte skal ha talerett i ei eller fleire saker på årsmøtet.

Årsmøtet er vedtaksført når det etter vedtektena er lovlegg innkalla og kunngjort.

Årsmøtet vert innkalla etter vedtak i styret og med minst 4 vekers skriftleg varsel.

Ordinært årsmøtet skal:

1. Godkjenne innkalling og sakliste
2. Velje ordstyrar og sekretær
3. Handsame styret si årsmelding
4. Godkjenne den framlagde rekneskapen med revisjonsmelding
5. Fastsetje neste års kontingent auke av medlemskontingent utover indeksregulering må godkjennast av alle medlemskommunane, eventuelt i etterkant.
6. Handsame innkomne framlegg
7. Handsame framlegg til neste års budsjett
8. Velje:
  - a) styre med vararepresentant (1 styremedlem + 1 personleg vararepresentant frå kvar medlemskommune)  
Kvar kommune stiller med ein representant / vararepresentant av kvart kjønn.
  - b) leiar og nestleiar i styret, blant medlemmene i det alt valde styret
  - c) Revisor
  - d) valnemnd på 3 medlemmer og 1 varamedlem
  - e) To personar til å godkjenne møteprotokollen frå årsmøte

Revisorane og medlemmene av valnemnda vert valde for eitt år.

Medlemmene av styret har ei funksjonstid på to år, maksimalt i samanhengande 8 år. Årsmøtet bør sjå til at det er minst 40% av kvart kjønn i styret. Så langt råd skal halvparten av styremedlemmene vere på val kvart år.

Vararepresentantane til styret vert vald for same tidsperiode som tilsvarande styremedlem.

Alle val skal vere skriftlege dersom det ligg føre meir enn eitt framlegg.

Når kandidatar skal veljast enkeltvis og ingen av kandidatane oppnår fleirtal, dvs. minst halvparten av dei avgjevne røystene skal det gjennomførast omval mellom dei to kandidatane som fekk flest røyster. Er det etter dette omvalet like mange røyster på kvar kandidat, skal valet avgjerast ved loddtrekning.

Alle vedtak på årsmøte vert avgjort med vanleg fleirtal utanom dei sakene som etter vedtekten krev kvalifisert fleirtal.

Ved stemmelikskap i saker der avgjersla vert gjort med vanleg fleirtal vert desse avgjort ved leiar, sekundært stedfortreder for leiar, si dobbeltstemme

## §6 - EKSTRAORDINÆRT ÅRSMØTE

Ekstraordinært årsmøte kan innkallast med minst 2 vekers skriftleg varsel etter vedtak i styret, eller når minst halvparten av medlemskommunane krev dette skriftleg.

Saklista skal leggast ved innkallinga.

Ekstraordinært årsmøte kan berre handsame dei sakene som er nemnde i innkallinga.

## §7 - STYRET

Styret er samansett av ein medlem frå kvar av medlemskommunane.

Styret har leiingsansvaret for FRILUFTRÅDET mellom årsmøta.

Styret er vedtaksført når minst halvparten av medlemmene er til stades. Alle vedtak i styret vert gjort med vanleg fleirtal. Dersom det vert like mange røyster for og imot, vert røystemåten til leiaren avgjerande.

Styret vert leia av leiaren og når han ikkje er til stades av nestleiaren.

Det er leiaren som avgjer når styret skal møtast. Styret kan også innkallast når eit fleirtal av styremedlemmene ønskjer det.

Innan styret kan det veljast eit arbeidsutval. Arbeidsutvalet kan ikkje gjere bindande vedtak i andre saker enn styret på førehand gjeve fullmakt til.

Styret sine arbeidsoppgåver er m.a.:

1. Å fremje FRILUFTRÅDET sine oppgåver i samsvar med vedtekter og årsmøtevedtak.
2. Å leie FRILUFTRÅDET si vanlege drift og ha ansvar for økonomistyring i samsvar med utarbeidd budsjett.
3. Å tilsetje medarbeidarar.
4. Å kunne gi fullmakter (økonomisk og juridisk).
5. Å ha ansvar for at det vert ført rekneskap og at det vert ført protokoll over alle møter og forhandlinger.

6. Å sende referat frå årsmøtet til alle medlemmer i FRILUFTRÅDET, til fylkesfriluftsnemnda og til Friluftsrådenes landsforbund.

7. Å førebu årsmøtesaker med framlegg til vedtak om arbeidsprogram, budsjett og kontingent.

#### **§8 - VEDTEKTSENDRINGER**

Endringar av vedtekten må gjerast på årsmøte og krev minst 2/3(to tredjedels) fleirtal.

#### **§9 - UTMELDING**

Ein medlem kan melde seg ut av FRILUFTRÅDET når han ønskjer det, etter lovleg fatta vedtak i kommunen.

Sams for alle som vil melde seg ut av FRILUFTRÅDET er at medlemskontingennten må vere betalt for det året utmeldingsvedtaket vert gjort, før utmeldinga kan verte gyldig.

#### **§10 - OPPLOYSING**

Oppløysing av FRILUFTRÅDET kan berre vedtakast på eit ordinært årsmøte og med minst 2/3 fleirtal.

Framlegg om oppløysing må vere oppført på saklista som medlemmene må ha fått tilsend minst 14 dagar før møtet.

Vert oppløysing vedteke med minst 2/3 fleirtal, skal det haldast ekstraordinært årsmøte 3 månader seinare med oppløysing på saklista.

Dersom FRILUFTRÅDET vert oppløyst, skal alle omsettelege aktiva seljast og saman med andre kontante midlar delast mellom medlemskommunane i høve til kontingennten frå den einskilde kommune.